

BON DIA <i>Aruba</i>
Editor Caribbean Speed Printers N.V. Aruba Bank N.V. Acc. #332668 Caribbean Mercantile Bank N.V. Acc. #23951903 RBC Royal Bank Acc. #1330772
Hefe di Redaccion Sharina Henriquez
Redactor Ehecutivo Dionne Fradl-Jie Sam Foek Zulaica Maduro
Redaccion Benjamin Romero Nathalie Winterdaal (Deporte) Yakari Gabriel Nadien Philip Margarita Els
Coreccion Jaime A. Mata
Colaboracion Ariën Rasmijn Oscar Vidal Masnoticia NoticiaCla Associated Press New York Times Ret Karibense
Fotografo Maritza Tromp- Lacle
Ehecutivo di Benta Brigitte Wauben (Hefe) Marijke Croes-Luidens Mark Gomes
Diseño Grafico Michael Arendsz
Aviso y Arte Sandra Loefstop Lando Rafael Gladis Palomino-Silva Robert Cortez
Administracion Xiomara Arends (Hefe) Mariette Engelhart (Hefe di Personal) Martha Arteta de Ariza
Distribucion Jenny Kelly
Coleccion Evelinda de Cuba - Tromp
Pre Press Luis Fernando Arenas (Hefe) Pablo Libre
Press Roland Schenker (Hefe) Omar Ramirez Martin Boekhoudt Yair Gambin Francis Dirks
Afiliacion Sociedad Interamerica di Prensa (SIP)
DIRECCION Weststraat #22 Tel: 582-7800 / Fax: 582-7044 email: noticia@bondia.com aviso@bondia.com BON DIA ARUBA Ta un Corant redacta y imprimi na Aruba y ta obtenibel di Dialuna te cu Diasabra. Ningun contenido por wordo reproduci sin permiso di Editor. www.bondia.com

Editorial

Nos idioma



Hubert Booi a nace na Boneiro pero ora di lesa e storia di su bida, kico el a haci, e ta (-bata) mas Rubiano compara cu hopi di nos; un gran promotor di nos cultura y conocedo di Papiamento.

Pa cu nos idioma, el a haci esaki den un periodo cu Papiamento ainda no tabata un idioma oficial (desde 2003). Con grandi su amor pa Aruba, su cultura y idioma ta, ta refleha den e cantidad di publicacion literario cu sr. Booi ta laga atras. Y con grandi su influencia ainda ta keda refleha ora nos ta canta nos himno y specialmente e di tres couplet cu ta di su man:

“Grandeza di bo pueblo ta su gran cordialidad
Cu Dios por guia y conserva su amor pa libertad.”

Sr. Booi tambe a skirbi e himno di su pais natal. Locual por mira den su texto (y musica y otro expresionnan artistico) ta cu e tabatin e habilidad y conocimiento pa capta locual ta unico den e cultura di un pueblo. Den e caso di Aruba, e cordialidad di nos pueblo. Cu despues, den nos promocion pa atrae turista, a bira e enfoke principal pa distingui nos como destinacion: ‘happy, nice people’, ‘very hospitable’.

Un factor cu ta hunga un rol

grandi den esaki, ta e idioma. Sr. Booi no tabata domina solamente e Papiamento, Papiamentu, pero tambe Latin y Rusia. Studiando un idioma, unda ta bay mas leu cu e obhetivo pa solamente por domina e idioma (pues lesa, skirbi, papia), ta duna un bista profundo den e historia y desaroyo di un comunidad.

E globalisacion di nos mundo cu e prensa Mericano dominante a haci cu mas y mas idioma ta bou influencia di e idioma Ingles. Ora nos muchanan ta papia, ta Ingles of ‘Papiaingles’. Y esaki tin su efecto riba nos cultura. Pa motibo di esaki ta bon pa nos tur ta keda haci un esfuerso

pa ‘studia’, siña e elementonan nacional, tradicional, historico den nos idioma. Pa asina no lubida y porta entrega mucho di nos ora di tuma over e influencianan externo. Sr. Booi a laga un herencia literario atras y ta spera cu den nos enseñansa esaki ta haya su luga. Pa nos corda cu nos herencia ta entre otro cordialidad, pas nos no ta lubida y pa nos siña e Rubianonan ‘nobo’ tambe cu esaki ta lago cu a haci nos orguyoso, cu ta algo di Aruba.

Tin biaha ta netamente ‘wowo straño’, di persona cu no a nace na Aruba cu ta muestra nos riba tur cos cu ta haci nos Rubiano. □